

宋丞相李忠定公奏議

宋丞相李忠定公奏議附錄卷之四

擬撰表本

建炎元年七月得片擬撰

起居道君太上皇帝表本

政見時

起居孝慈淵聖皇帝表本

政見時

靖康擬詔書

八首內

撫諭河北詔

國

獎諭徐處仁詔書

此見正錄第七卷

起防秋兵詔

時房騎出境朝先恬然以為無事防

同知樞密院事許翰議於上前謂今秋敵必至

至且預詔天下起兵防秋為捍禦之計上命革

撫總管幹路安

朕初嗣歷服遭時艱難犬羊之群敢肆陵侮侵犯邊境達
于都畿賴宗廟社稷之靈賢士大夫勤王將士之力以克
捍禦而倉卒之間輔臣失計劃三鎮以賂之天啓朕心斥
去姦回決策堅守今者重兵尾襲賊騎遁逃朔部無虞興
天下同慶然而虜情狡獪未有所懲秋高馬肥虜復侵軼
非以虎符起天下兵控扼邊陲蕩穢群醜則何以振懼狂
虜奮張國威以定中興之業詔到仰諸路安撫總管鈐轄
司各下所管州軍遴選將佐訓練正兵招填闕額繕治器
甲儲蓄芻糧預備軍須以聽朕命夫一歲之間而再動師
旅良非獲已并據大憤茲惟其時故茲詔示想宜知悉

募民出財詔

特降詔諭諸路起防秋兵以募民出財

廷等第推恩以激勸之虞費可濟上命草詔以前中外

朕嗣承丕緒夙夜兢惕思所以綏撫四海惠養元元以為無窮之計而寇戎弗靖未能偃兵故將起天下之師以振國威然而興師十萬日費千金方今積弊之後雖朕痛自刻勵罔敢汰侈罷斥浮冗粗給經費其於師旅之用誠未有以贍之也昔漢帝募民入粟塞下而師賴以濟今朕上為宗廟社稷之重將以定中興之業下為億兆蒼生之衆將以圖休息之期此忠臣義士協濟艱難之秋也應天下士民上戶有能推其財較贏餘以佐軍興者州縣聽其自

願不得抑勒不以多寡別項儲蓄專以為募兵養士之費
具數申樞密院各以名聞朕將等第推恩以為忠義之勸
故茲詔示想宜知悉

戒諭姚古詔書

姚古為河東路制置使久駐師
戒諭軍不進上令草詔戒諭之

勅姚古太原為河東根本右控關陝左通朔部在三鎮尤
為重地金賊攻圍殆百餘日兵疲糧乏勢危力殫羽書日
聞風夜憂念以鄉素著忠勇為時名臣故命統帥諸將進
兵應援近雖已復隆德威勝前扼南北關尚未聞踰團栢
越徐溝以造太原之下致使賊馬猖獗侵掠汾晉其何以
辭朕西顧之憂詔到其率勵士卒戮力用命破堅却敵解

國太原以復忻代高爵辱祿朕何愛焉故茲親筆詔示然
宜知悉夏熟卿比平安好遣書指不多及

賜夏國主詔書

時金人犯關夏人亦起兵以擾西
即延路徽進夏人檄書上命

詔賜夏國主解
其意以撫慰之

詔夏國主朕居春宮十有餘載弗敢怠逸四方所聞道君
太上皇帝享國日久厭萬機之繁爰議內禪朕辭不獲命
遂登大寶深惟祖宗建構之隆上皇付託之重夙夜兢惕
懼不克任而金人不道乘郭藥師背叛之故陷沒燕山倣
擾邊境達于都畿肆為貪殘劫貨以往永念鄉屏翰之舊
信誓皎然義當戮力同濟艱難以敵王氣而陝西奏報乃

言鄰國黠集重兵五路深入攻陷城堡殺傷兵民朕惟鄰
明允篤誠世濟忠孝主于西陲藩屏帝室多歷年所英聲
流聞今至于茲始朕德弗類嗣政之初未能綏撫之所致
也西顧悵然良自傷悼及符卿廷路帥臣章疏繼到鄰國
檄書公牒省覽再三乃知藉兵起於誤聽檄書初言中國
失德數事皆曩時大臣誤國上皇已降詔書深自悔悼今
朕克已求治以儉先天下凡淫巧奢麗之具一切屏去蠹
國害民之臣咸已竄誅前日之事所不復論中言賀正人
使之歸所見京城整頓兵甲修治樓櫓疑有姦臣變亂此
乃隄防金人之故豈有他哉終言與本朝信誓之久義須

然後以此知卿忠義有素誤聽致此初無他心至於過差
之辭朕初不之罪也公牒言國書之寶與舊不同此乃有
司用寶差誤已重竄責凡茲細故朕既釋然卿亦宜亮夫
金人以叢爾海隅之國背天逆神滅絕契丹遂陵中國淫
暴滋甚使其得志何有於卿哉孤軍深入理當勦殄朕以
皇弟肅王在其軍中第命將士驅逐出境邇城晏然前遣
康隨鄭惟康道意必亮此誠詔到卿宜釋去疑慮撫諭將
士抽迴甲兵修好如故高爵厚賜朕何愛焉今遣武功大
夫王祐武功郎馬持告諭故茲詔示想宜知悉夏熱卿比
平安好遣書指不多及

與大金國書

幹德不繼割三鎮既退兵三鎮之民為朝廷堅守誓不棄虜上命草書與

唐主
道意

靖康元年五月姪大宋皇帝致書于伯大金皇帝

下關非德

之居東宮十有餘年矣邇者道君太上皇帝厭萬幾之煩
遂議內禪肆及眇躬膺受大寶惟懷未圖願修鄰好而兵
革擾攘未遑致問其為懷企何可勝陳言念徃日遣使海
上通兩國之歡信誓昭然金帛之輸未嘗有關誠謂世守
茲盟無有驚貳而皇子郎君乃据拾細故敗棄舊約因叛
將藥師以兵內嚮屢劉邊陲深入畿甸乘中國之不備遂
肆憑陵誠非所望於善鄰也城下之盟盡緣輔臣怯懦失

計重鎮寶貨一切惟命皆出要盟神所不臨豈復可用而
况還師渡河劫質肅王已復渝約勤王之師百萬集于城
下將士憤怒咸欲邀擊徒以肅王在軍之故深戒用兵使
得全師以歸而皇子郎君肆為淫暴屠戮良民係繫婦女
焚蕩室廬不可勝計緣是之故三鎮之民皆出死力為國
堅守雖朝廷號令有所不從此乃軍前失信之所致也重
念頃者道君太上皇帝與大金皇帝歡盟相得之厚既滅
大遼分燕山之故境以歸中國累年于茲中國未嘗得粒
粟尺帛之助而漕運之勞金幣之費不可勝計今燕山陷
沒既渝前約又欲併取三鎮之地使弊邑無以為屏翰是

豈大金皇帝之旨哉且皇子郎君雖貴人臣也坐受本朝
宰臣親王之拜敗盟爽約妄起兵端黷貨無厭求取不已
有一于此豈人臣之所當為哉弊邑無辜橫遭屈辱以大
金皇帝之聰睿仁慈寧不諒此遠侍英明敢以實告前日
皇子郎君割地求賂廣有要索弊邑不校悉皆聽從彼此
非誠人情不遠誰不知之欲尋往日之盟以結兩國之好
使兵革不用生靈休息莫如度其所可行者重結盟誓以
信守之昔我烈祖貞宗皇帝與大遼盟于涇淵百有餘年
未嘗少有變故天祚失德不可振起乃至於茲大金皇帝
鷹垂英察使燕山歸于大鄴三鎮安于弊邑各得其所

茲舊疆信使交通歲幣修好傳之永世為子孫無疆之
顧不韙歟謹遣使人往布誠悃儻或見允願示佳音所有
黏罕國相軍馬見在河東亦冀召還以篤和好有少禮物
具如別錄中夏炎蒸遠祈保毓

與高麗王詔書

金人退師朝廷遣使臣候章等至高麗國上命草詔與之

詔高麗國王朕居春官十有餘載雖德不類罔敢怠逸亦
惟四方所聞道君太上皇帝享國日久厭於萬幾之煩爰
議內禪朕辭不獲命遂登大寶深惟祖宗基構之隆上皇
付託之重夙夜驚惕懼不克任而金人不道乘郭藥師背
叛之故陷沒燕山倣擾邊境達于都畿方朕即政之初遭

此震驚以故未及與王相聞朕惟王世濟忠孝膺受顯冊
奄有三韓之地屏翰之膺久受國恩肆我烈祖神宗皇帝
遣使修聘禮意備至情同骨肉義則君臣以至于我道君
太上皇帝頻年遣使錫賚不貲待遇加等朕惟中國與王
遠隔遼海壤斷土絕而恩禮如此豈有他哉亦惟藩衛中
國庶幾艱難有以敵愾者金人乘我不備與叛人偕來
深入內地王國與之為鄰相望無數百里之遠而不能蕩
其巢穴以報中國豈累朝待遇殊絕之意邪彼金人者固
嘗臣屬於王以葦爾海隅之醜背天逆神絕威契丹遂陵
中國淫暴恣甚使其得志何有於王哉孤軍深入理當勦

朕以其初質肅王而去第命將士驅逐出境遣城是
方將起天下之兵問罪小醜王其率勵師衆相為表裏以
行天誅夫糾敵王愚獻俘本朝以報中國數世之恩大忠
也取亂侮亡誅討淫暴以伸威沙漠之外大義也拓地開
境覆其巢穴以報驕驕不臣之虜大威也一舉而三者皆
得王何憚而不為哉高爵厚賜朕於王無所愛惜王其勉
之今遣侯章等往諭至意夏熱比平安好遣書指不多及

宋丞相李忠定公奏議附錄卷之四

宋丞相李忠定公奏議附錄卷之五

建炎教詔

勅勝詔

戒諭武臣詔

無論河北河西路詔

勅勝獨留中原詔

戒勵士風詔

已上五首俱見時政記不復重出

宋丞相李忠定公奏議附錄卷之五

宋丞相李忠定公奏議附錄卷之六

制二十一首

宰相除三少

極契中曰紫微之垣英親於輔相斗戴六曰文昌之府實
本於政機眷予忠蓋之臣茂膺考爰之典誕宣顯冊敷告
明庭具官某直諒而粹夷溫恭而博達學足以謀王體而
斷國論材足以亮邦采而熙天功頃被眷知擢陪機務獲
一德而不爽告辰猷而允臧民具爾瞻宜輔台德屬茲袞
職之闕延登接路之華進秉鈞衡正位槐鼎朕方憲天以
臨八極體道以照百官仰贊三光之明脩遠萬物之理資

爾獎調之助成予化育之功滿冕象車陟崇資於亞保金
印紫綬膺峻任於元台申衍麥田倍敦真食式昭物采併
示寵光於猷帝舜選於衆而舉皋陶實惟股肱元首之一
體商宗審厥衆而得傳說有若酒醴和羹之相頤立非常
之事必賴非常之才建無窮之基則有無窮之聞往佑乃
辟永享于休可特授少保太宰

宰相除三公

代天理物夙隆撥路之勲論道經邦宜補衮職之闕眷予
碩輔為國盡臣泰山崇嚴久副萬邦之望赤舄几几往登
三事之崇播告路朝談敷顯冊具官某裕和而肅又博學

下高明智周萬務之心。學洞六經之蘊。垂以今聞。揚于禁
塗。臣作朕股肱。擢預經綸之政。帝賚予良弼。遂膺考爰之
求。勅相國家。牧宰方夏。爰諧四氣之序。參聽百官之成。當
軸。勲中材足以運動。樞極贊元經。體道足以和同。天人禮
樂興于百年。聲教訖于四海。俾予從欲以治。時乃佐王之
休。嚮其勲庸。宜有褒寵。備三公之典。冊爰隆帝傳之聯。秉
上宰之鈞衡。遂正真相之任。衍戶祖而倍食。錫國邑以疏
封。併昭物采之多。用侈台符之峻。於戲。鹽梅正味久調。制
於鼎司。衮繡命章往參華於視位。式是百辟。毗予一人。益
敦燮理之功。期底盈成之業。無替朕命。永享于休。可特受。

太傅

觀文殿大學士中太一宮使除少保太宰

論相宅百揆以亮采而惠疇建官曰三孤俾貳公而洪化
眷予舊弼為時宗臣宜還冠於台司以大熙於邦政式消
穀旦播吉路朝具官某敦大而直方醇深而簡重學博而
守之以約該經術之淵源智周而用無不宜適事功之機
會蚤膺眷遇繇歷清華擢陪國鈞實輔台德贊元經體道
足以和同天人當軸處中材足以運動樞極中辭幾務之
要退即燕休之安佩玉長裾聯清班於秘殿珍臺間館領
層便於殊庭遂閱歲時休有譽處盍來歸於揆路以寅亮

於天功參華亞保之聯進任中臺之長倍敷并賦申衍戶
租式昭體貌之陰庸示寵光之茂於戲丞相之於漢蓋特
附百姓而撫四夷象宰之於周所以統百官而均四海仰
稷上天之緯下厚烝民之生朕方畲任於舊人爾其永弼
於彝憲式是百辟柔此萬邦性既厥心同底于道可

觀文殿大學士中太一宮使除少保左輔

朕駿惠先猷肇修官制允釐輔弼之任是正公孤之稱祇
若新書以大熙於邦采登延舊德宜還摠於台司消選剛
辰誕揚休命具官某器函莊重德稟粹和學通今古之淵
源識際天人之精祲蚤持從橐有獻納論思之忠擢預政

機得贊襄勵翼之體遂膺夢卜之舉進秉鈞衡之權相業
維優師論參稔中辭幾務之要退即燕休之安兼秘殿之
隆名領殊庭之膺使年德彌邵聞望益休益還揆道之官
茂底格天之業篆車締冕秩陞亞保之崇青瑣黃扉職峻
東臺之長倍敦并賦申銜戶租式昭體貌之隆肅示寵光
之渥於戲用人惟已朕方圖任於元勳以道事君爾其承
斯於砥礪渙號聿資於審覆非彝允賴於糾繩毗予一人
式是百辟無替朕命徃其欽哉

觀文殿大學士中太一宮使除節度使

賈陽嵩玉入熙舊弼之班推轂授師出總元戎之政列職

異倚任惟均眷予心膂之臣克備爪牙之寄誕揚渙
播告大達具官某莊肅而裕和惇大而明允學際天人之
蘊材兼文武之資自結眷知寢階華近雍容從橐有獻納
論思之忠密勿政機得贊襄勵翼之體中辭鈞軸之要退
即祠宮之安裴度在朝卓爾股肱之舊方叔克壯凜然將
帥之風輟祕殿之華資付齋旄之重柄蔽自朕志縶于肺
言叔旂綏章備多儀於大將珍臺間館仍霄使於殊庭衍
食戶租倍數并賦式昭物采庸示寵光於戲吉庸之憲萬
邦實燕諒於文武仲山之式百辟不吐茹於剛柔朕方宣
明道德仁義之威爾其筆固藩垣屏翰之勢對揚休命益

茂壯猷

彰信軍承宣使除武寧軍鄧度使

推轂授師摠將權於閫外料敵應變制虜命於掌中參稽
勲烈之崇宜懋褒嘉之典我有明命揚于天廷具官某沈
鷟好謀直剛不撓少有四方之志出逢千載之辰暢漠北
之威名厲山西之勁氣敦詩說禮有古將帥之風懷德畏
威得吾士卒之用入宣勞於宿衛出著效於干城疇咨鎮
撫之材爰付遶陸之寄賴爾經畧紓予顛憂而能目勢乘
機運籌制勝被堅執銳親居矢石之間斬將搃旗躬致賊
俘之獻日百里以開國月三捷而奏功大震天聲永清夷

落走用旌其功伐昇以節施碩鎮雄藩盡護諸將神旗
尾備大將之威儀祕畧龍韜新元戎之紀律敦陪并賦申
衍戶租併示恩榮式昭眷獎於殿高爵厚祿朕不吝於報
功禦侮折衝爾毋忘於敵愾勉盡爪牙之力益隆屏翰之
強祇服訓辭茂對光寵

節度使中太一宮使兼侍講移鎮除檢校三少開

府儀同三司

侍帷幄而處朝廷蓋密資於獻納易節施而兼將相式寵
報於勲勞眷予忠盡之臣茂舉褒嘉之典誕敷渙號播告
明庭具官某溫厚而剛明粹夷而莊重擅儒宗之碩學躬

王佐之宏材頃被明揚擢司幾務謀王體而斷國論備著
猷為亮邦采而熙天工展盡底蘊中辭政柄之劇退即燕
私之安大纛高牙備多儀於上將貞祠間館領層便於殊
庭日造治朝參陪講席閱時滋久登聞彌休惟尊道崇義
之無窮豈崇德報功之敢後陞華亞傳易鎮雄藩鼎鉉公
槐峻視巖廊之秩路車齋鉞益隆方面之權衍食戶組敷
加并賦併昭物采式示寵光於戲文武兼資告甫作周邦
之丕將相並任裴度為唐臣之宗願膺體貌之崇茂著股
肱之美往綏福履母煩訓辭

知樞密院除節度使醴泉觀使

右府本兵久策勲於宥密齋壇授錢宜錫命於蕃宣春莊
心膂之良克任爪牙之寄誕揚綸綍敷告縉紳具官某惇
厚而直方裕和而肅毅學貫古今之蘊才兼文武之資夙
茂聲華踐揚要近擢由政轄進揔樞庭告辰猷而具臧秉
一德而不爽運籌帷幄折衝樽俎之間制勝邊鄙行師枕
席之上日百里以開國月三捷而奏功獨任指蹤坐收成
効方倚壯猷之略遽陳均逸之辭章屢却而後來誠有加
而無已疇其勲烈付以節旄大纛高牙備多儀於上將真
祠閣館領膺使於殊庭雖暫即於燕私初不離於王室數
陪并賦併示寵光於戲勸相我家朕敢忘於舊德承弼厥

碑爾無遂於遐心往綏壽社之多式副眷懷之渥

殿帥

漢置期門羽林之軍以夾輔宮省唐開折衝果毅之府以鎮衛京師惟我本朝若稽前代宿重兵於輦轂列屯戍於邦畿所以救寧寰區拱翊宸極俾統貔貅之旅必資心膂之良爰擇剛辰誕敷顯命具官某直方而不撓勇鷙而好謀擅玉帳之威名稟金行之勁氣博詩說禮有古賢將之遺風懷德畏威得吾士卒之樂用自共武服屢奏膚功折馘執俘敵愾禦侮執干戈以嚴社稷之衛爾克著於勛勞聞鼓鼙則思將帥之臣朕政忘於錄用召自邊圉付以

旌典司宿衛之兵總領營屯之政人則侍內朝之文陞出
則扈屬車之清塵淑旂綏章壯元戎之體貌路車齎鉞備
上將之威儀申衍戶租敦陪并賦式昭物忝併示寵光於
戲予王瓜牙詩剝圻父之失職克用常吉書美虎賁之得
人爾其明紀律以訓齊師徒辨次舍以肅清徽道式遏姦
宄作固蕃垣得盡其心俾士氣之增厲乃安斯寢致王心
之載寧則予一人無疆惟休而爾亦有無窮之聞

觀文殿學士諸路經略安撫使除節度使

學以即戎籌略必資於儒將齊而援鉞節制以寵於元勳
式隆方面之權克重藩垣之體我有渙號敷于大廷具官

某惇大而直方剛明而肅義識洞幾微之表材兼文武之
全蚤踐要途遂參機務謀王體而斷國論有輔弼之一心
有常德以立武功蘊將帥之遠略輟從廊廟坐鎮邊陲綏
帝輟裘蓋折衝於樽俎惇詩說禮宜專意於韜鈴訓齊貌
虎之師建築金湯之險日百里以闢國月三捷以奏功奮
揚天聲震疊夷落疇具勲績宜有褒陞是用解秘殿之華
資付齋旄之重寄高才大業備上將之多儀渠門赤旂壯
元戎之異數敦陪并賦衍食戶組以隆閭外之威以迪師
中之吉於戲有奔奏無侮朕方經於倚毗無智名勇功爾
宜務於持勝益勵猷為之壯以綏禍亂之豐祗服茂恩

志明訓

吏部尚書除節度使

入踐中臺之職。首六卿出分外間之權。盡護諸將。惟倚任之不異。豈恩信之或殊。眷予心膂之臣。克備爪牙之寄。誕敷顯命。播告旧朝。具言某挺高明之資。蘊渾厚之量。文章典雅。久居言語侍從之班。問學深醇。雅有獻納論思之益。頃由人望。擢長天官銓衡。有方風績。彌邵維藩。恒之重任。資文武之全材。輟自近臣。委以方面。顧邊圉之方棘。豈頗牧之可留。推轂授師。克壯元戎之勢。擁麾乘塞。式寬西顧之憂。宣國威靈。賴爾經略。即佇膚功之奏。公嚴武服之

共申衍戶祖敦陪并賦式昭物采併示寵光於戲邵毅之
將中軍是為說禮惇詩之帥亞夫之屯細柳詎同棘門灑
上之師惟恩信足以得士卒之心惟威懷足以制羗戎之
命徃服朕訓永觀厥成

彰化軍節度使熙河路經略安撫使除檢校少保
雄威軍節度使

擁齋旄而乘塞克隆元帥之勲易邊鎮以旌能仍峻貳公
之秩眷時宿將茂舉徽章播告略朝覃孚師聽具官某剛
毅不撓沈鷺有謀擅虎帳之威名稟金行之勁氣風備爪
牙之任出宣屏翰之風建安定之節旌盡護諸將當臨此

之方面統御列城賴爾撫一不紆予憂顧而能料敵制勝禦
侮折衝運籌帷幄之中玩一掌股之上宣明威信殲則討
而服則懷訓齊甲兵戰必一而攻必取獲致馘俘之獻日
增壘堞之修聲名隱然勲一茂矣且換秦川之節俾參亞
保之聯豹尾鸞旗備威儀一大將蒙車絺冕視服命於三
孤申錫爰田敦陪真食併一龍光之寵益崇帥閫之權於
戲聽鼓鼙則思將帥之臣一敢忘於丕績執干戈以蔽杜
稷之衛爾無替於前勞益一壯猷以求終譽

鄭度使殿前都指揮使除檢校少保移鎮充鄭延

路經略安撫使

提七萃之旅入則拱衛於其
除建六森之威出則撫臨於
邊徼克備爪牙之寄聿資以
臂之臣視秩台司增嚴帥閫
我有明命揚于大廷具官其
爵備歷戎行濠千城禦侮之
材著新將家旗之績時其勲
烈付以節旄擢帥殿廬肅重
容於壁壘總監虎士嚴禁衛
於鈎陳忠義自恃慎密不出
得吾士卒之樂用有古將帥
之遺風蠢彼夏戎干我王略
顧邊圉之方棘豈煩牧之可
留勉為朕行用錫爾祉慎高
取之重地坐制黠羌易安定
之雄藩盡護諸將蒙章歸冕
元服命於三孤齋鉞調戈備
戒嚴於元帥教陪升賦中衍
口祖併隆體貌之私益壯

垣之勢於戲中西域而立基付定遠振玉關之名整六師以討先零管平上金城之略類王者之師有征而無戰惟良將之策不戰而服人往否勵於壯猷歟求覲於成績

觀文殿學士除鄧唐使知大名府兼北京留守

擁齋旄於外間式隆將帥之權分符竹於留都克壯藩垣之勢眷予舊德為世宗臣方資保釐之功宜茂褒崇之典誕敷煥號播告治朝具官某惇靜而剛方溫恭而博達寓淵源之碩學蘊經綸之偉材奚陪國鈞寶亮邦采發一德而不爽告辰猷而具臧中興戰務之繁析即燕休之逸冠隆名於祕殿領膺使於殊庭遽閱歲時休有譽颺顧陪京

之闕守非元老而曷居勉為朕行用錫爾祉元戎峻秩建
南國之節旄金魏雄藩付北門之莞鑰宣威發於六韋總
鄭制於列城卒成兆民盡懷諸將賴爾鎮撫紓予顧憂敦
陪邑戶之多併示寵光之盛於戲申伯之聞四國寔摠藩
宣吉甫之憲萬邦兼資文武固封圻以衛王室守典常以
承天休往旣厥心無替朕命

戚里承宣使除節度使

爵祿以馭富貴實為八柄之先藩屏以建親賢蓋本九經
之重眷惟戚畹之懿茂舉爵封之章播告大廷重享降德
具官某秉心淵塞毓德粹純承世胄之華而無貴驕之

朕詩禮之訓而有儒雅之風蚤被眷知浸階華近屬
以奉御鳴佩玉以造朝夙夜惟寅靖共自好宜付
鄭旄之寵益隆肺腑之親鈇鉞車旗備威儀於上
將帶裳幅舄昭命數於元侯申衍戶租敦陪井賦
式盼物采併示寵光於戲建官惟賢私恩豈廢於
公義保身以哲居寵必思於履危惟恭儉足以作
德而日休惟忠孝足以致身而衛上往綏福履無
煩訓辭

皇弟除太傅山南東道節度使開府儀同三司進

封越王

朕因心以友于天倫建侯以蕃于王室疏爵以貴
譱如崇

棟之華裂土而封屹若磐石之固誕敷渙號播告明廷具
官某英粹凝姿溫恭秉德允出神明之胄居多致思之文
大雅不群邁河間之偉量為善最樂有東平之格言暴殄
立愛之經茂著維城之義疏封滋久譽望彌休疇其德業
之崇宜舉彝章之峻是用契龜而協吉按圖而定名表為
真王庵授樂國高牙大纛建一道之節旄赤舄桓圭備三
公之典冊胙山川於南土賜徒御於中軍陪食爰田衍封
真賦以固本根之重以隆屏翰之強於戲篤親愛之恩朕
敢私於爵祿長富貴之守爾其戒於侈驕惟明哲可以保
身惟忠孝可以衛上往圖慶譽益沐龍光

皇伯節度使開府儀同三司除郡王

國家之建同姓以廣親親之恩漢室之王諸侯以隆貴貴之義若古有訓越予不忘載惟伯父之賢宜舉彝章之峻式涓穀旦敷告明廷具官某資識純明器量宏遠允出神明之胄為時宗室之英東平好賢雅著忠孝之譽河間博古雍容禮樂之文曩稽立愛之經茂舉建侯之典高牙大纛式彰帥閫之雄華衮命圭兼視台衡之貴歲時滋久問望彌休夙夜惟寅以日趨於朝請溫恭有恪克顯相於丞嘗時其賢勞宜有褒陟是用契龜而協吉按圖以定名表以王爵之崇胙以茅土之重大啓爾宇錫之山川時庸展

親分厥寶玉以益本文之固以增奔翰之強於戲篤親愛之恩朕豈私於好爵持高滿之戒爾宜保於令名茂對龍光往綏壽祉

皇子封節度使國公

朕握符御極仰承列聖之休荷天降康中錫多男之慶眷嗣賢之挺秀稽彝憲以疏封爰擇剛辰誕敷渙號皇弟幾子天材毓粹帝武發祥函岐嶷之英莢稟中和之淑氣文華日就聰智夙成甫臨剪翬之期茂舉建侯之典昨以樂土錫南國之山川授以全師畀中軍之徒御封建厥福胄愛乃家亦屬桓圭備上公之典冊路車齋鉞兼大將之威

儀衍食戶租教陪并賦以崇廟社之祉以篤邦家之光
歲周建親賢式固維城之義漢封子弟益隆磐石之宗惟
作德周不在初肆享國多歷年所往綏壽嘏茂對龍光

皇子除檢校少保節度使郡王

朝廷尊肅式昭貴貴之儀父子主恩必尊親親之典眷時
賢嗣夙挺天材其疏茅土之封以篤邦家之慶飭宣典冊
敷告縉纓皇子具官某雅量淵澄英姿玉粹鍾五行之秀
氣備四序之純和聰智夙成溫文自得曩稽立愛之義茂
舉建侯之章擁元戎之節旄備上公之袞烏尊德樂道克
循就傳之規立禮興詩日懋通經之訓載遵彝制宜有褒

崇是用按圖以定名拂龜而協吉奄授樂國易鎮雄藩言
其旂錫中軍之徒御大啓爾宇朕南土之山川越陪邑
之多蕪昇國租之實併彰異數式慰慈懷於戲保佑自
並貺本支之茂封建厥福聿崇廟社之休惟忠孝可以
君親之恩惟恭儉可以長富貴之守往服朕命益介壽

皇子除太傅兩鎮鄭虔使封韓王

天保祐錫慶蕃昌眷時次嗣之賢夙挺天材之秀異
至特行就邸之儀朕土直茅宜錫䟽封之典誕敷渙
明建皇子具官某德慶粹溫性姿壯重氣稟中和

一版之英流慶宗藩發祥帝室楷立愛之前訓
舊章有鸞其旂任愬元戎之貴載黼斯袞秩視
示尊德樂義而循就傳之規說禮敷詩而懋通經
崇宮而開第歷吉日以爰居考于典常宜有褒寵
而協卜按圖而定名表為真王奄授樂國車旗
而兩鎮之節旄山川附庸撫十圻之民社敦陪并賦
尸祖以隆宗廟之休以壯藩垣之勢於戲朝廷尊爵
賁貴之文父子主恩克篤親親之義惟恭儉可以長
之守惟忠孝可以盡臣子之心茂對龍光益綏壽域

皇經節度使除郡王

稱以取富貴允為

潘昇之建親賢實本九經

重春府猶子之懿錫以茅茅之榮消選剛辰誕敷顯冊
姪具官某性姿端亮識度粹夷胄出神明初靡貴驕之
日訓通詩禮雅有致思之文藝稽立變之經茂著維城之
初建元戎之旄鉞視三公之服章夙夜惟寅會同見齊莊
之色溫恭有恪烝嘗備顯相之誠賢儀浸明師論參後
其聞望宜有寵褒是用按圖而定名契龜而協吉啓其土
宇疏以王封敦陪并賦之多衍升國組之實增重翰垣之
勢益宏宗祐之休於戲擅威福之權弘恩不廢於公義長
富貴之守居寵常思於履危庶幾能往綏壽祉

宋丞相李忠定公奏議附錄卷之七

詔十三首

誠諭士大夫敦尚名節詔

朕嗣守基圖託于士民之上夙興夜寐罔敢怠違思所以
圖回治功陶成風化者實賴士大夫砥節礪行作民孚先
以善天下之俗今則不然背公營私附下罔上無宿道向
化之志有締交死黨之心美音蔽也不垢頑頓而廉耻之風
衰冒沒輕佻而忠厚之行熄方其平居高論闊議真若可
信一旦遇利害僅如毛髮遽失所守責其立朝可觀臨大
節而不可奪也難矣名節若此朕何望焉豈朕所以帥之

者未至歟將徂于流俗而未易還華歟昔先王之盛時在
位皆節儉正直德如羔羊而風化之所行至於中林之兔
且莫不好德漢上之游女無思犯禮何其盛哉朕甚慕之
士大夫其思所以革心易慮稱朕意者務博實而去浮華
止奔競而崇靜退使庶耻之風忠厚之行藹然著明足以
鼓動當世則爵祿之加何吝之有詩不云乎靖共爾位好
是正直神之聽之介爾景福易不云乎鶴鳴在陰其子和
之我有好爵吾與爾縻之可不勉歟其或不悛邦有常刑
朕不貸故茲詔諭想宜知悉

諭諭三省樞密院修舉熙豐政事詔

朕惟神宗皇帝考道據德制法作憲新美百度允釐庶工
若昔大猷肇造三省樞密院凡天下之政悉分統之曰中
書省根本機務實專敷奏除授之任曰門下省出納命令
實掌論駁省讀之職曰尚書省奉行政事所以總治曰樞
密院典司樞要所以本兵由中以制外端本以御末綱紀
法度燦然畢陳是以熙豐之治格于上下與古匹休何其
盛哉肆朕纂承駿惠先烈繼志述事罔敢怠違熙豐之所
施設而已然者遵制揚功而率由之熙豐之所有意而未
備者增光潤色而推廣之制禮作樂興事就功以大有為
於當世法完令具布在方冊施於四方實賴三省樞密院

臣僚維持緝熙各揚厥職修舉政事以紹隆神考之丕績
惟爾六七大臣其尚同心一德協恭和衷可否相濟于未
然之前號令必行於已出之後夙夜匪懈勤勞王家永孚
于休同底于道則予一人膺受多福亦亦無窮之聞不
其黷歟茲詔諭想宜知悉

誠諭百官毋得越職犯分詔

朕惟先王設官分職以法為分小大詳略各有等差猶之
耳目股肱相待以成體罔或侵越故能總衆職修庶政而
天下治惟我神考若昔大猷肇新官制內之省臺寺監外
之監司郡縣之吏允鑒厥職職悉完具布在方冊炳若丹

青肆朕纂承祗適先烈屢下詔書不匿厥旨俾官修其方
毋得越職犯分以干邦憲庶幾繼志述事與三代同風而
此日以來卿士大夫不安分守非所當議倡為險膚非所
當為公肆妄作無宿道向方之志有沽激僥倖之心豈朕
所以告戒之者未至歟將士狃於流俗而未易以遷革歟
傳曰侵官冒也離局姦也詩曰靖共爾位好是正直神之
聽之介爾景福古之君子明於義命而思不出位故能受
靖共之福而無姦冒之刑朕甚嘉之子大夫其思所以安
於分守者各共乃事齊乃位度乃口以聽予一人之作猷
其或不恭邦有常刑必罰無赦故茲詔諭想宜知悉

揚謫附卷之七
三
誠諭省臺寺監修舉職事詔

昔我神考若稽大猷董正治官允鑒邦采省臺寺監各有攸司本末維持大小承式綱紀號令百度鼎新肆熙豐之治格于上下雖三代之隆無以加也朕纂紹丕圖祇適先烈宵衣旰食勵精為治思所以繼志述事以昭先帝之休德者顧官制布在方冊炳如丹青制而用之存乎法推而行之存乎人屢降詔書具宣德意庶幾卿士大夫修舉職事振起治功以追熙豐之盛而比日以來省臺寺監安習因循偷惰苟簡有豐祿營私之志無守法奉公之心慢令疎官玩歲愒日尚書政事之本勲多稽違御史風憲之司

惟不糾察寺監失職百官廢弛夫省臺寺監所以推行朕之法令奉朝廷而倡郡縣者也曠慢若此朕何望焉豈朕所以率之者未至歟特告教不足以感爭必待刑戮加焉而後革歟書不云乎功崇惟志業廣惟勤卿士大夫其思所以克勤勵志宿道向方以顯白功業者務稱朕意其或不恭邦有常刑朕不汝貸故茲詔示想宜知悉

誠諭監司按察州縣詔

朕祗紹丕基撫有方夏勵精求治興事就功皆以利安元元為本深懼州縣之吏不能承流宣化達于吾民建置監司分道按察或總漕計或司詳刑或掌常平之政或專學

校之法職雖不同而所以按察州縣其任一也方其出使
朕親御便殿以臨遣之及其還歸復使進對以盡諮謀度
詢之義視遇之禮亦已重矣庶幾德意志慮得以下達而
吏之臧否民之利病不壅於上聞內自畿甸外薄嶺海萬
里之遠風流而令行德洋溢而恩溥吏稱其職民安其業以
底太平之盛而監司未有卓然修舉職事稱朕意者其故
何耶今州縣之間貪吏依勢以侵漁姦吏舞文而巧詆無
宿道向方之志有背公營私之心法完令具布在方冊而
吏情弗虔荒失詔命使元元之民不被其澤良法美意殆
爲虛文而監司曾莫之恤惟以簿書期會為急務蔑視

士摭撫細故以塞責而疆禦權勢之吏賦汙貪籍恬不謹
何夫監司朕所以寄耳目之任也失職若此朕何望焉其
自今以往各揚厥職按察所部凡姦貪情慢之吏曠職失
守違法害民徇流俗而無奉上之心者悉以名聞當議寘
黜以為群吏之戒其或附下庇姦畏避不舉得於訪聞罪
不汝貸故茲詔諭想宜知悉

誠諭士大夫朋黨詔

朕惟唐虞之世事陶繆契之臣都兪吁咈於廟堂之上更
相稱譽而無比周之操百僚師師盡其智能以效官職庶
政惟和萬邦咸寧後世想望而不可改及朕甚慕之肆朕

纂紹丕圖虛心以治陟降厥土法天地之無私庶幾振起
治功同底于道而執政大臣不能體朕之意有所薦引認
爲己功士大夫不明於事君之義者因亦從而歸之背公
營私附下罔上人無賢否進非其門則極力以排事無是
非建非其意則騰口而議茲風不息浸成朋黨豈社稷之
福哉此已簡其尤者投之遠方置之散地以爲讒說殄行
棄賢廢師者之戒其自今以往大臣毋以薦引人材徇黨
而市私恩小臣毋以因其薦引阿附而忘公義靖其尔位
壞植散群以聽予一人之作猷其或不悛邦有常刑必罰
毋赦故茲詔諭想宜知悉

誠諭帥臣修飭邊備詔

朕撫有方夏，敵率萬邦，蠻夷向風，稽首來享。茲因戎昏，還不恭敢，離大邦，誘遁逃之臣，率犬羊之旅，搔擾疆場。爰劉邊陲，裏兒鞠頌，曠誅積愆，神怒人憤，勦殄有期。爰命虎臣，往行天討，惟爾六七帥，臣實分間外之寄，為予爪牙，整我大師，修飭邊備，奉指蹤之略，遵制勝之謀，靈旗西指，此誠壯士功名之會也。爾其振勵士氣，奮張軍容，繕甲兵，具卒乘，明號令，信賞罰，同士卒之甘苦，習山川之形勢，玩寇羣，上揭虜目中，使戰必勝，攻必取，日百里以開國，月三捷以奏功，肅清一方，掃蕩巢穴，流沙瀚海，歸與地之圖，元惡

大憝正藁街之戮以懾宿憤大震天聲時汝之績不其冠
歟其或不恭邦有大刑朕不汝赦故茲詔諭想宜知悉

勸農詔

農天下之本也民之所恃以生也民不務本而事末則其
生不遂故先王之政以食為首商人以歲事來辟則戒以
稼穡匪懈周人遣諸侯於廟則戒以新畬鉅艾其務農重
穀如此用能享豐年之報有積歲之儲教化行習俗美而
頌聲興朕其慕之今朕開千畝之籍行三推之禮躬秉耒
耜播種糝之種以給郊廟之粢盛率民敦本為天下先庶
四方風動與古匹休朕意厚矣夫承流宣化推朕德意

而致之民者守令之職也其務勸農教之稼穡省其耕歛勿違其時勿奪其力非須禁逮毋輒追呼以妨農功使服田力穡享有秋之利衣食滋殖立太平之基稱朕意焉故茲詔諭想宜知悉

恤刑詔

朕惟昔之治天下者主於德教而以刑弼之刑非所以先也虞舜好生而民不犯成康刑錯而頌聲興下逮漢唐盛時亦皆斷獄數百幾致不用朕甚慕之爰自臨御以來制禮以齊民本仁而出政屢降御筆惟刑之恤定答法減杖數寬節辰原貸之恩嚴折楊非法之禁庶幾德化感孚刑

罰清而民服以追治古之盛而四方典獄之吏未能稱朕
欽恤之意情吏慢令而弗震姦吏舞文而巧詆訊鞠論報
掠治傳爰皆有法式莫克遵承依勢作威倚法肆暴公然
違戾詔旨使吾民陷于罪罟而未臻刑措之風殆與曹致
也自今應刑獄官司敢為暴酷不如法者在京委尚書刑
部在外委提點刑獄按察以聞邦有常刑朕不汝貸故茲
詔諭想宜知悉

誠諭守令推行御筆寬恤詔

朕惟祖宗勲業守成以仁治天下重熙累洽與古匹休肆
朕纂承祗遵先烈宵衣旰食勵精為治立政造事所以利

安元元者一以寬恤為先屢降御筆手詔播告之脩不匿
厥旨庶幾仁治克紹祖宗風動四方以成太平之化而此
日以來監司守令奉命不虞坐視詔書徒掛牆壁以為文
具廢法慢令恬不加恤夫承流宣化推朕德意志慮而達
之民者監司守令之職也失職若此朕何望焉其自今以
往各揚乃職應前後頒降寬恤事件竭力遵承毋致違戾
使四方萬里之遠實德及民以稱朕意其或不恭守令仰
監司按察監司仰互相糾舉以聞邦有常刑朕不汝貸故
茲詔諭想宜知悉

誠諭禮官嚴奉祠祭詔

朕嗣有令緒夙夜嚴恭齊明祀事以承上下神示社稷宗廟罔不祗肅深懼有司不能奉承德意昭格神休屢降詔書不匿厥旨表幾恪慎精潔副朕明禋恤祀之意而比日以來執事不虔玩習苟簡恬弗加省牲幣禮料取具臨時擯贊跪興不中儀式達于朕聽良用憮然夫祀國之大事也職在禮官委任甚重廢法慢令朕何望焉自今其務所以肅恭自盡稱朕意者敢或不恭邦有常刑朕不汝貸故茲詔諭想宜知悉

誠諭學者辭尚體要詔

朕自臨御以來建學校聯師儒一道德以教養天下之學

者及降詔書崇雅黜浮廢幾文章之盛深醇典正炳然與
三代同風而自兩漢以來為不足議也朕之待士至矣比
覽貢士程文猥釀不純氣格卑弱刻意以為高者浮誕詆
詭而不協于中騁辭以為辯者支離蔓衍而不根于理文
之不振未有甚於此者朕甚羞之豈子大夫平日所以講
貫之者未至歟抑偷取臨時務應有司之求而休於得失
歟夫文以意為主以氣為輔以辭彩為之衛翼本之固者
其發為英華必茂源之深者其流為波瀾必遠子大夫其
思所以完養意氣涵養本源者博極古今根抵仁義六經
之書諸子百家之說必深究而明辯之則見於文辭者體

要兼備宜有可觀者朕有好爵與爾縻之可不勉歟故茲詔諭想宜知悉

詔諭守令勸課農桑詔

朕惟生民衣食之原莫重於農桑故齒詩陳王業之艱難孟子言王道之本必以是為先今海內承平之久生齒日衆一夫不耕或受之飢一婦不蠶或受之寒飢寒切於肌膚求民興於禮義廉耻而亡為非不可得也肆朕開千畝之籍行三推之禮躬耕以供粢盛后浴種獻繭親蠶以為祭服率民敦本為天下先庶幾四方風動與古匹休朕意厚矣夫承流宣化推朕德意而致之民者守令之職也其

勸課農桑母遠其時母率其力非事須繁逮母輒追呼以妨其功崇本抑末使末技游食之民轉而緣南畝抒軸之女親其蠶織四方萬里之遠男子斂婦人桑絲身穀腹衣食滋殖蓄積足以備災害而無飢寒匱乏之患稱朕意焉故茲詔示想宜知悉

宋丞相李忠定公奏議附錄卷之七

東丞相李忠定公奏議附錄卷之八

誥二十首

門下侍郎除特進知樞密院

東臺出命久隆獻替之風右府本兵實總樞機之任眷我
近弼為時蓋臣宜錫命書往膺盛選具官某醇深而在重
寬厚而剛方問學高瞻濶天人之極致材器宏遠備文武
而咸宜自結眷知荐膺華要擢參陪於機務益茂著於忠
勤告展猷而具臧秉一德而不爽言可底績知無不為以
儒術之淵源達兵家之形勢智謀深博可以運籌帷幄之
中聲名隱隆可以折衝廟堂之上朕心所屬輿論攸歸疇

咨弼亮之材延登宥密之地峻陞文秩申衍戶封庸示龍
光式昭體貌方今邊陲聳動西有跳踉之戎中夏抗衡北
有強黠之虜賴爾經制紓予顧憂徃惟旣於厥心以對揚
於休命

中書侍郎除門下侍郎

朕誕膺景命祇紹先猷慎揀左右執政之臣同底寅亮格
天之業乃眷左省實本萬幾延登偉材協贊丕績肆頒命
綽敷告朝紳具官某函量粹夷稟氣剛大學貫古今而懿
文足以華國智周事物而厚德足以鎮浮蚤被眷知徧歷
清近擢陪幾務之要益殫晝夜之勤贊治內書茂著股肱

之美出納朕命備宣喉舌之勞疇其勲庸宜有褒陟進貳
東臺之峻式昭養禮之優朕方體道以就功量材以授職
出命尤資於審慎用人務極於公忠顧惟論駁省讀之司
宜有獻替將順之益徃服朕訓永孚于休

尚書左丞除中書侍郎

朕嗣承丕緒祗適先猷永惟機務之繁實賴股肱之助若
時政本莫重西臺非得同心一德之臣曷致協恭和衷之
效肆頒明命登進宏材具官某惇厚而裕和高明而博達
淵奧之學足以謀王體典麗之文足以為國華蚤以明揚
踐更膺仕擢總綱轄參陪政機屢陳宸告之猷益勵匪躬

之節率六官而合治致庶績之咸凝輿情具瞻朕心簡在
疇其勲業宜有褒崇是用擢自蘭臺進貳鳳閣惟命令出
納之地迺政事弛張之原率由憲章爾其念敷奏之審旁
招俊乂爾其思進擬之公往盡乃心務稱厥職惟予以懌
汝亦有辭

尚書右丞除尚書左丞

文昌政事之原丞轄紀綱之任協贊庶務總齊百工必得
同心一德之臣共濟特盈守成之業肆頒明命登進宏材
具官某器度粹夷性資莊重富淵源之碩學有經綸之遠
猷自結眷知參陪幾務謀王體而斷國論亮邦采而熙天

肅明職允修外則率六卿以倡九牧其德不爽內則貳三
事以毗一人疇其勲績之多宜有寵褒之數位以叙進
陞左轄之司功以志崇更勵匪躬之節往服朕命永觀厥
成

吏部尚書除尚書右丞

朕光紹丕基祗適先烈惟執政大臣所以圖回萬機於廟
堂之上者非瓌儒博達之材不以輕付膺此選者顧不重
哉具官某器量凝遠識慮敏明文章之懿足以為國華議
論之純足以謀王體蚤膺眷遇屢歷禁嚴居言語侍從之
班有獻納論思之益頃自翰林擢任天官銓衡有方風績

彌劬休有譽處恬然靖其由八座之聯進登二府之列
發自朕志穆于師言夫文昌政事之原丞轄紀綱之任康
濟庶務總齊百工惟同寅協恭足以盡贊襄之美惟獻可
替否足以起治功之隆往旣乃心同底于道

翰林學士除吏部尚書

周建六卿天官掌群吏之治漢分八座選部考百官之成
必資清恪之材克稱高華之選往踐厥服我得其人具官
其識度粹夷風猷敏劬蘊淵源之碩學富典麗之雄文蚤
以明揚荐膺器使言言語侍從之列有獻納論思之忠自
處禁林益據素蘊議論該洽每入告於燕閒號令溫醇有

古人之風烈疇其問望宜有褒陞是用擢由翰墨之司付以
權衡之任綜三鈐之政令為六曹之表儀朕方體道以就
功循名而責實一官闕則一事廢爾其為官而擇人庶事
舉則庶績熙爾其量材而授職振肅綱紀俾猾吏有畏縮
之心甄別賢能致寒士無滯淹之歎特為稱職則予汝嘉

戶部尚書

洪範八政實先食貨之功同官六卿尤重版圖之任惟國
家經費之廣與戶口生聚之多典在民曹號為劇部欲稱
高華之選必資精敏之材爰錫贊書以先茂舉具官某器
量宏遠識慮強明學足以通今古之原智足以周事物之

變賤揚騰仕宦歷從班藹然俊偉之聲卓爾靖共之操論
思忠讜有尊君享上之誠籌畫疏通有足國愛民之術擢
由橐從進長版曹式資心計之優以總邦財之裕朕方理
財以義爾無倍克以失民心制用適宜爾無削弱以傷國
體惟察懋遷有無之理以行闔闕欽散之權取予有方公
私俱足克修厥職時乃之休

禮部尚書

昔舜命伯夷以典禮命夔以典樂教胄子而周官宗伯之
職皆兼掌之朕纂紹丕圖祇遵先烈樂在大晟禮在奉常
教養之法在學校而尚書禮部實總其政令職任清重

六曹最分職率屬尤難其人以爾具官臬直諒多聞溫恭
有恪淵源之學足以謀王體典麗之文足以為國華居言
語侍從之班有獻納論思之益秩宗之任莫如汝宜其自
貳卿之職擢陞八座之列朕方制禮作樂起太平之彌文
尊道崇儒善天下之風俗爾其往踐厥服慎率乃僚使情
文著明足以格神人之治而教法推廣足以得譽髦之材
夙夜惟寅無替朕命則予一人以懌爾亦永世有辭

兵部尚書

周建六卿司馬掌九代之法魏分八座尚書有五兵之曹
惟是夏官實總軍政克稱高華之選必資俊偉之臣具官

某器量恢宏性資莊重學博而守之以約材全而用無不
宜蚤被眷知浸階華近獻納勵匪躬之節靖共懷難進之
風其由從素之聯徃陟本兵之地蔽自朕志穆于師言朕
方除戎器以戒不虞續武功以討有罪以號令之嚴統制
諸將以符璽之信更戍重兵資爾推行副予注倚修車馬
備器械以奮張於軍容平邦國統六師以折衝於外侮時
汝之職其往欽哉

刑部尚書

舜命皋陶明五刑以作士周建司寇掌三典以佐王必資
膺敎之臣以稱敎中之任歷選在位我得其人具官某茲

平而裕和簡嚴而博達學貫古今之要智周事物之幾不
被揀求踐揚騰仕出受藩宣師帥之寄政事惟醇入居言
語侍從之班聲華彌劬有剛明之材足以詰姦惡有仁厚
之德足以矜無辜惟其威恕之並行宜副欽恤之美意是
用擢由橐從選長憲曾以承靈制之祥刑以繼攸司之疑
獄朕方推好生之德致囹圄之屢空明約法之章若江河
之難犯辟以止辟刑期無刑爾其慎率乃僚祗若予訓不
出輕而入重以公臧私不吐剛而茹柔惟明克允俾四方
之風動使天下無冤民則予汝嘉時為稱職

工部尚書

朕惟周建六卿冬官實掌邦事飭材辯器度土居民凡百
工之職悉總之今工部其任也能稱厥職實難其人具官
某資識開明器量宏遠淵源之學足以知治體膚敏之材
足以起事功蚤被眷知淺階華近意言語侍從之列有獻
納論思之忠恬然靖共休有譽處其自貳卿之秩進登八
座之聯分職事官率屬起部若保定群無廢舊章稽功勳
名厥有成憲昔帝舜疇若予工而垂之竹矢為後世所寶
漢宣總核名實而百工技巧咸就其能蓋朕心無俾專
美則朕以懌汝亦有辭

御史中丞除吏部尚書

憲臺執法久推彈糾之風選部掄材擢領銓衡之任陞華
要劇允屬老成宜錫贊書以光茂舉具官某溫恭而體亮
醇厚而直方學有淵源博極古今之要行無表襮率循防
範之中自結眷知踐揚華近頃由康從之列付以風憲之
司糾正官邪推明國是知朝廷之大體竭耳目之攸司嘉
乃忠純宜有褒顯是用擢從烏府進長天官為六曹之表
儀綜三銓之政令朕方循名而責實體道以就功爾其為
官而擇人量材而授職振肅綱紀俾猾吏有畏縮之心甄
別賢能致寒俊無滯淹之歎時為稱職則予汝嘉

翰林學士兼兵部尚書

周建六卿司馬掌九牧之法魏分八座尚書有五兵之曹
惟大事之在戎肆設官之尤重故稱茲選必得其人具官
某博洽而疏明溫恭而直諒蚤以儒術揚于禁林西掖代
言藹著論思之美北門視草雅資潤色之功嘉謀閑議足
以啓沃朕心大冊高文足以鼓動當世材無施而不可學
有本而皆通其由翰墨之司往膺政事之任擢長武部率
屬秋官朕方賡戎器以戒不虞續武功以討有罪以號令
之嚴統制諸將以符璽之信累成重兵資爾推行副予注
倚修車馬備器械以奮張於軍容平邦國統六師以折衝
於外侮時汝之職往其欽哉

開封尹除刑部尚書

舜命皋陶明五刑以作士周建司寇掌三典以佐王必資
秉哲之材以稱教中之任往踐厥服我得其人具官某蒞
重而裕和簡嚴而傳達學貫古今之要智周事物之幾蚤
被眷知賤揚臚仕擢總浩穰之政久推彈壓之風有剛明
之材以震服於豪右有仁厚之術以牧養於細民惟其威
怒之並行宜副欽恤之美意是用擢從天邑進長憲曹以
承靈制之祥刑以繼攸司之疑獄朕方推好生之德致圜
圖之屢空明約法之章若江河之難犯辟以止辟刑期無
刑爾其慎率乃僚祗若子訓不出輕而入重以公臧私不

吐詞而茹柔惟明克允俾四方之風動使天下無冤民則
予汝嘉時乃稱職

太常少卿除禮部侍郎

棘寺置卿雅重奉常之選蘭臺合治尤高宗伯之司肆疇
俊偉之材以明因任之道往踐厥服必惟其人具官某器
質端莊文辭博敏揚歷中外之久雅著靖共之稱頃由郎
曹擢貳寺政贊相禮儀之事雍容可觀討論郊廟之文淵
源有據肆頒明陟之典往參春官之聯敎自朕心穆于師
論朕方制禮作樂起太平之彌文導道崇儒善天下之習
俗具有政令資爾推行惟率乃僚以佐厥長曲盡情文之

致茂宣夙夜之勤勉修厥官無替朕命

給事中除戶部侍郎

鸞臺寓直久推論駁之風蘭省陞華擢佐版圖之政誕揚
明陟之典登進端良之材爰錫贊書徃踐厥服具官某器
資莊重識慮敏明學足以通古今之原智足以周事物之
理蚤膺揀擢屢歷從班諳然俊美之聲卓爾靖共之操論
思忠謹有尊君享上之心籌畫疏通有足國厚民之術較
從左省徃貳民曹式資心計之優以總邦財之裕朕方理
財以義爾無括克以失民心制用適宜爾無削弱以傷國
體惟察憇遷有無之理以行闔闢散歛之權取予有方公

秘俱足時為稱職嗣有寵褒

殿中監除工部侍郎

朕惟周建六卿冬官實掌邦事飭材辯器度土居民凡百
工之職悉總治之今工部其任也宜得通材往貳厥政以
爾具官某器度凝遠智識敏明席世胄之高華諳播紳之
譽望擢司省厥職兄修辭嘏爾勞陞華起部貳卿之列
其任匪輕昔舜疇若予工而璽之付矢為後世之所寶漢
宣總核名實而百工技巧咸仰其能朕甚慕之其率乃僚
以佐厥長興事就功無侔前人之專美是為稱職嗣有寵

褒

翰林學士除承旨

視草北門克著論思之章隆華東閣式昭寵過之優我有
俊臣宜膺妙選具官某器度嶷遠資識敏明有經世之宏
材有博古之奧學蚤蒙識擢歷清華由言語侍從之班
司翰墨文章之任入奉清閒之燕每輸獻納之忠嘉言閑
議足以啓沃朕心大而高文足以鼓動當世休有譽處恬
然靖共惟潤色又留於禁林宜顧問獨承於密旨爰舉褒
陞之典以明因任之方搜于師言殺自朕志爾其摠發素
蘊益究遠圖使號令溫醇無愧兩漢之烈訓辭瀕噩有同
三代之風則予汝嘉是為稱職

中書舍人徐翰林學士

西掖代言謫士林之令望北門視草極儒者之至榮必資
俊偉之材克稱清華之選往踐厥服我得其人具官某資
識敏明器量渾厚夙富淵源之學發為典麗之文自策賢
科寔階臚仕被揀求之眷禮聯侍從之清班恬然靖共休
有譽屢論恩猷納秉一節以周旋號令文章有三代之風
烈朕心所屬輿論攸歸是用擢自右臺進司內制仰惟前
代擅金鑒之寵榮稽厥本朝有玉堂之故事惟周密足以
盡贊襄之美惟體要足以昭潤色之功其究乃心毋煩予

吏部侍郎除工部尚書

叙正群吏又登小宰之聯疇若予工以定司空之辟揀自
貳卿之列擢陞八座之崇必惟其人乃稱茲選具官某性
資純茂智識敏明文足以爲國華學足以謀王體蚤躋膺
仕旋陟從班論思可觀獻納惟允自總銓衡之政益殫夙
夜之勤諠然聲華休有譽處其自太官之貳徃率起部之
僚蔽自朕心穆于師論朕方總核名實欲技巧咸精其能
爾其訓勵百工使制作悉遵于法無替朕命徃圖厥成

宋丞相李忠定公奏議附錄卷之八

宋丞相李忠定公奏議附錄卷之九

誥二十七首

大司成除翰林學士

禁林翰墨之司學士清華之任修飾潤色實資視草於此
門獻納論思自昔號稱為內相極一時之妙選為儒者之
至榮我有俊臣宜膺茂舉具官某器度凝遠資識敏明宏
材懿行足以羽儀本朝大用高文足以鼓動當世踐揚禁
近被遇眷知由侍從之選聯總師儒之要職推行教法茂
宣風夜之勞作成人材勸集耆髦之士朕心所屬輿論攸
歸是用擢自學官進司翰苑職清地近極金鑾之寵榮禮

涇春優有玉堂之故實惟朝廷之政事咸得以與聞使號
令文章有古人之風烈是惟稱任往既厥心

給事中除大司成

朕樂育天下之材恢庠序於海寓發明先聖之教合儒道
於學宮必資雅望之臣以總成均之政歷選在位爰得其
人具官某直諫多聞靖共有守智足以知聖人之道文足
以為學者之宗頃被明揚荐躋華要代言西掖訓辭有灝
灝之風列職東臺議論極忠嘉之益方師儒之虛席非老
成而易居莫如汝宜其為朕往惟京師首善之地而學校
賢士之關英俊並游道藝焉考法令完具皆朕制作之規

賢能賓興資爾推行之力務稱圖任嗣有寵褒

給事中

朝廷號令政事無有大小咸得與聞可則審讀而推行否則封駁而論列給事中之職也其任顧不重哉苟非其人朕不輕付以爾具官某器度凝遠操履端方智足以周事物之情學足以知國家之體蚤膺識擢寢歷清華恬然靖共休有譽處論思之職莫如汝宜夕拜瑣闥肆以命汝夫與聞國論而得行其所知此固汝之所學而欲行之者也無詭隨以避事無激訐以沽名惟既厥心務稱朕意

中書舍人除給事中

西掖代言蔚士林之雅望東臺夕拜為儒者之至榮必資
俊偉之才克稱清華之選往踐厥服我得其人具官某資
識敏明器度宏遠風富淵源之學發為典麗之文自結眷
知致身禁近論思獻納秉一節以周旋訓誥文章有三代
之風烈朕心所屬輿論攸歸是用擢秀紫微陞華青瑣常
刑未允實資論駁之風號令具臧更賴審覈之力惟周密
足以盡贊襄之美惟公忠足以杜群枉之門往旣乃心毋
煩予訓

中書舍人

官職右省職在代言非特取其文章資修飾潤色之美

漢與聞政事有獻納論思之功必得其人乃稱茲選具
某器識凝遠風度粹夷學足以知古人之心智足以周當
世之務蚤膺棟拔竊歷清華藹然俊偉之聲卓爾靖共之
操比從給札試以贊書嘉其典麗之文克備坦明之制擢
參法從列職西臺惟三代之訓辭極灝噩之體而兩漢之
號令有溫雅之風往既乃心無愧于古副朕眷倚嗣有寵褒
起居舍人除中書舍人

西臺列屬職峻地清居言語待從之班有獻納論思之任
款稱茲選必惟其人具官某直諒多聞靖共守富淵源
之碩學挺環偉之宏材蘭省為郎久推雅望螭坳載筆密

侍清光寢歷歲時休有與儔比從給札試以贊書嘉其典
麗之文充備坦明之制復參臺從往代予言惟三代之文
章極灝噩之體而兩漢之號令有溫雅之稱當時服其訓
辭後世想其風烈朕甚慕此爾其勉之惟既厥心無愧于
古

中書舍人除御史中丞

御史府不置大夫則中丞實為之長總率臺屬重正綱
風憲之司耳目所寄厥任尤峻必惟其人具官其志操端
方器度凝遠有勁正之氣而不畏強禦有明敏之識而練
達事機蚤以明揚荐躋華要居言語侍從之列有獻納論

思之忠恬然靖共休有譽蒙蔽自朕志擢長南司事資博
擊之材以肅紀綱之地朕方循名而責實體道以就功歆
百吏之得人致四方之風動爾其推明國是糾正官邪使
朋黨壞植而散群姦回心沮而膽落亮稱中執法之任不
愧古司直之風則予一人以寧爾亦有無窮之聞

侍御史除御史中丞

御史府不置大夫則中丞實為之長總率臺屬董正朝綱
風憲之司耳目之寄厥任尤峻必惟其人具官某趣操端
方器度凝遠有勁正之氣足以配昔人之賢有明敏之材
足以周當世之務頃由卿寺擢貳臺端屢陳忠讜之言助

予視聽之廣議論臆亮朋黨壞植而散群彈劾公方姦邪
心沮而膽落中立不倚直道無私不吐剛而茹柔期遏惡
而揚善蔽自朕志進長南司以明因任之方以肅紀綱之
地朕方循名而責實體道以就功欲廢官之得人俾四方
之風動爾其推明國是糾正官邪進思盡忠無憚大吏克
稱中執法之任不愧古司直之風則予一人以寧爾亦有
無窮之聞

開封尹

京邑所都雅有浩穰之目輦轂之下必以彈壓為先肆求
諱行總治劇務歷選在位我得其人具官某資識端方器

夢闕遠學洞古今之蘊智周事物之幾繇陟清華諳新典
績有嚴重之威足以震服豪右有寬厚之政足以牧養
民綏自朕心擢任天府夫四方之所聚會故多桀黠之民
百貨之所阜通故多爭鬭之訟爾其摘發姦伏裁剴劇煩
使桴鼓諍而稀鳴囹圄空而不犯首善之地為萬邦之聳
瞻奏最之優致三輔之取法是為稱職則予汝嘉

工部尚書除延康殿學士知青州兼安撫使

中臺率屬參華八座之崇外屏分符宣風千里之遠出處
雖異倚任惟均眷予心膂之臣往殿股肱之郡宜推異數
式寵其行具官某惇大裕和高明闕遠學洞古今之蘊智

周事物之幾頃被揀求徧歷華近居言語侍從之列有獻
納論思之忠擢長冬官茂著風績休有譽屢恬然靖共遽
陳均逸之章祈遂偃藩之志願東土之都會濱海嶽之奧
區民物阜蕃風俗渾厚慎擇厥守式圖爾居兼秘殿之華
資付全齊之重寄承流宣化聿資師帥之良報政第功佇
聞課績之最往撫素蘊無煩訓辭

戶部侍郎除顯謨閣直學士知揚州兼淮南東路

鈐轄

寬裾持橐入聯侍從之班紆組分符出總蕃宣之寄中外
雖異倚任惟均眷予心膂之臣往殿股肱之郡宜推寵數

式遄其行具官某識度粹夷風猷敏劬學博而守之以約材全而用無不宜頃被明揚荐躋華要代言鳳閣有獻納論思之忠貳政版曹得闔闢欽散之術有懷均說力丐偃藩眷淮海之奧區實東南之都會慎釋厥守式圖爾居陞峻職於西清總重兵於一路承流宣化聿資師帥之良報政奏功佇聞課績之最徃服朕命惟旣厥心

中書舍人除徽猷門待制知廬州

入侍從橐出綰郡章雖中外之或殊顧眷禮之無間式頒異數以寵其行具官某識度粹夷文辭敏妙頃由揀拔寔歷清華處言語侍從之班有獻納論思之益抗章請外願

試牧民其次對於西清以分符於南服承流宣化往慎撫綏奏最第功佇觀報效勉思予訓益旣乃心

殿中監

王者極崇高而臨寶位作威福而享玉食備萬物之奉極天下之養必有法式掌于有司故周建六卿列於天官之屬唐分六尚綜以殿中之官肆朕纂承若稽古訓崇其班秩以示褒優必惟其人乃稱茲選以爾具官某器度凝遠才識敏明席世胄之高華蔚搢紳之譽望踐歷滋久績效可觀蔽自朕志擢司有省凡乘輿服御膳羞酒醴次舍器用典于六局者咸總治之爾其慎率乃僚各共爾事夙夜

匪懈事予一人尚有寵褒以為汝勸

太常卿

列寺置卿奉常尤為高選凡祠祭禮文之事悉總治之職
要地清非他司比充是選者實難其人具官某資識敏明
器度凝遠博雅好古直諫多聞中外踐更靖其自好蔚有
譽望諒于措紳蔽自朕心擢長寺事猷方觀會通以行典
禮整齊繁以事神示資爾欽承副予曠恤贊相禮儀之事
討論郊廟之文往率乃僚各修厥職以稱朕所以命爾之
意

宗正卿

朕纂紹丕圖敦睦九族以屬籍辨其世系以學校興其賢
能職在宗正厥任重矣膺是選者實難其人具官某資識
敏明趨操端亮雅有譽望藹于搢紳為郎省曹靖共有守
擢貳卿寺風績著聞蔽自朕心進長寺事夫職清事簡而
兼師儒之選亦汝之所歆也往既厥心務推朕所以教養
之意使人自勸學底于有成則為稱職尚有寵褒

明堂頌政

帝者之世天道致祥堯曆象以授時舜璣衡以齊政萬邦
作乂庶績咸凝朕纂紹丕圖稽古有作建合臺以觀象御
明堂以頒常庶幾與帝者同風必惟其人克任斯職具官

其性資端厚器度閑深學足以通古今之淵源識足以窺
天人之精微徊翔卿寺聞望彌休頒政之官肆以命汝天
提絜天地把握陰陽以御六氣之辨此固出於精神心術
之妙至於推而行之無或爽忒俾四方萬里之遠遵承而
弗違此則汝之職也往旣乃心圖稱朕命

秘書監

朕藏天下之圖書以待討論之用聚天下之英俊以備校
讎之官總治監事非清德老儒孰任茲選具官某博雅好
古直諒多聞文足以為國華材足以周世務蚤被識拔寔
歷清華恬然靖共休有譽慶蔽自朕志擢長芸臺夫左圖

右書而朝夕所與共處者皆英俊之游亦汝之所樂也往
究乃心以稱朕所以命汝之意

太僕卿

國容莫重於奉軍軍政必先於牧馬太僕之職車馬是司
騶乘輿以周旋掌閑廐之政令厥任尤重匪材不居具官
某資識詳明風猷敏劭踐揚滋久譽聞甚休蔽自朕心擢
長寺事往率乃屬其既厥心正于僕御之臣罔非吉士辨
夫毛物之等使之阜蕃則予汝嘉是惟稱職

光祿卿

漢置光祿勳以班爵詔功而後世列于諸卿實掌膳養

總之政肇修官制因而不改克稱厥職必惟其人具官某
學問該明趨操端亮雅有譽望藹于指紳為郎省曹靖共
有守擢貳卿列風績著聞蔽自朕心進長寺事夫膳羞酒
醴所以供上帝百神之祀待賓客百官饗殮之奉厥任重
美往盡乃心茲率厥常以副朕所以命汝之意

大府卿

周建九府而大府之職掌貢賦之貳受其貨賄之入而以
式法頒之稽古置卿委任甚重克稱厥職必惟其人具官
某資識敏明器度宏博更踐中外風績著聞蔽自朕心擢
總寺事夫財用之所出納物夥事叢則姦弊易乘以起往

盡乃心必謹察而明辨之以稱朕命汝之意

司農卿

國家轉漕東南以給中都周知其數職在大農非材力敏強克辨大計曷任茲選具官某學問該洽智術自將為郎省曹休有譽屢奉使外服風績流聞蔽自朕心擢總寺事夫出納欵散雖有常式均調盈虛亦惟其人往既乃心以裕邦計使倉庫充實而賦必以時則為稱職尚有寵褒

大理卿

廷尉天下之平也邦憲是司民命所寄厥任甚重必惟其人是官某起自法家克著顯譽有明敏之材足以折獄育

爾先之智足以決疑蔽自朕志命爾作士夫肯之所是疏
為律今之所是著為令訊鞠論報掠治傳變憲章具有資
爾推舉惟察惟法必慎必清體朕好生期于弼教昔張釋
之為廷尉而天下無冤民于定國為廷尉而民自以不冤
往既乃心無俾專美則朕以擇爾亦有辭

鴻臚卿

朕正朝儀以饗群辟享賓禮以懷遠人職在鴻臚掌其政
令厥任甚重匪材不居具官某資識敏明問學該洽揚歷
滋久譽望彌休茲自朕心擢長寺事夫四方之賓客與異
域之蠻夷貢覲以時道里修遠宜厚慰懷之意以旌來享

之誠往率乃僚無替朕命

都水使者

王者體國之制水政為先邦計賴轉輸之功民事資灌溉之利固隄防以虞決溢濬淤以底疏通政令具存水衡是職厥任甚重匪材不居具官某資識詳明風猷敏効踐歷滋久譽望彌休被自朕心擢總監事䟽觀物理水不異於趨卑遠績禹功智必行於勿鑿往率乃屬明聽朕言佇觀厥成嗣有褒寵

軍器監

王者除戎器以戒不虞甲冑干櫓捍患以完因為先弓矢

予討敵以犀利為貴藏在武庫有司時出而繕修之總
是職者實難其人具官某實識強明材術膺敏更踐中外
風績著聞蔽自朕心擢總監事夫材有美工有巧而器械
之制咸有法式具存憲章性修厥官以稱朕所以命爾之
意

少府監

少府置監典治尚方備物制器以供御宸極厥任甚重匪
材不居具官某實識詳明風猷敏勗雅有譽聞藹于搢紳
蔽自朕志擢總監事夫漢宣總核名實而百工技巧咸精
其能朕甚嘉之性既乃心勗勗工名必考其成以副朕所

以命爾之意

將作監

王者體國凡宮室門閭高下廣狹之制皆有法式掌于有司大匠之職是總營造厥任甚重必惟其人具官其資識詳明材術膚敏楊歷寢久風績著聞蔽自朕心擢總監事夫國有六職百工居一焉矧於曲藝巧者精之往若予工使盡其巧而依於法是為稱職嗣有寵褒

邵武縣縣丞吳興陸讓同刊

李軒同校

東丞相李忠定公奏議附錄卷之九